

Kolej Sunway tawar biasiswa kepada pelajar cemerlang

utusan Malaysia - 30/11/92 - MS 6


KOLEJ Sunway menawarkan lebih 100 biasiswa kepada para pelajar cemerlang bagi membolehkan mereka melanjutkan pelajaran ke peringkat pra-universiti dan universiti di kolej berkenaan.

Pemangku Pengarah Kolej Sunway, Dr. Rex Sharman berkata, "biasiswa-biasiswa tersebut merupakan salah satu cara untuk memastikan agar para pelajar yang cemerlang berpeluang melanjutkan pelajaran mereka."

Saksama

"Untuk memastikan supaya biasiswa-biasiswa berkenaan diberikan dengan betul dan saksama, para pelajar yang telah ditawarkan dengan biasiswa yang lain, tidak layak untuk dipertimbangkan. Keputusan menawarkan biasiswa kepada seseorang pelajar itu diputuskan oleh Jawatankuasa Pemilihan Biasiswa yang ditantik oleh Kolej Sunway," tambahnya lagi.

Pelajar yang layak menerima biasiswa memasuki pra-universiti, mestilah menamatkan diri di Kolej Sunway, dan mempunyai agregat lapan atau lebih baik daripada itu, termasuk Bahasa Inggeris dalam peperiksaan SPM mereka. Para pelajar 'O' Level mestilah mempunyai



REX SHARMAN

sekurang-kurangnya enam A, termasuk Bahasa Inggeris. Di bawah kategori ini, yuran tuisyen sepenuhnya akan dibiayai oleh kolej tersebut.

Bagi mereka yang memohon biasiswa

kemasukan universiti, mereka mestilah mempunyai tiga A atau lebih bagi peperiksaan 'A' Level, atau STPM, mencapai '90 peratus atau lebih dalam Matrikulasi Kanada, atau sekurang-kurangnya 440 mata dalam *Western Australian Tertiary Education (TEE)*.

Lain-lain kelayakan yang setanding akan juga dipertimbangkan. Biasiswa-biasiswa ini bernilai 50 peratus daripada yuran-yuran tuisyen.

Kupon

Permohonan bagi biasiswa-biasiswa ini boleh dibuat dengan menghubungi Kolej Sunway atau mengirim kupon yang diiklankan di dalam akhbar-akhbar kepada Kolej Sunway.

Borang permohonan rasmi akan dihantarkan kepada para pelajar yang membuat permohonan.

Mulai Januari 1993, Kolej Sunway akan berpindah ke kampus baru di Bandar Sunway, Petaling Jaya.

Kemudahan kediaman disediakan untuk membolehkan pelajar-pelajar memumpukan perhatian pada akademik dan lain-lain kegiatan yang berfaedah.

This material may be protected by the Malaysia Copyright Act. It may only be used for private study or research. Downloading or reproduction in excess of “fair dealing” may constitute copyright infringement.